

Melanchton,

Ob
auch die Christen
vor Gericht handeln
mögen.

Vg
3614

XVII, 328







306 a

~~506.~~

Umschlag bleibt.

Ph. Melanchthon
Weg.

XVII 328.



7. nr 25



566

7.

**Ob auch die Christen mit gutem
gewissen/vor gericht handeln/vnnd gericht
liche ordnungen brauchen mögen /
ein kurzer vnder
richt.**

Philippus Melancton.

M.

D.

XXIX.

In Cat. sub P.



**Ob vor Gericht Hader unrecht / und
wider Gott sey.**

ASchadert mancher man vor dem gericht / & sunst vntadelich / weil er meiner er thū daran vnrecht / vnd macht in ein böß gewissen / feller er dahin / vnd gerath aller ding in ein verachtung Gottes / gleich wie die Priester / so weiland ire sibengezeitē zū lesen / mit bösen gewissen / vnderlassen haben / seindt darnach gar rauchlos worden.

Auch seind der vil meer / welche / so sy hören / das rechten soll verbotten sein / den namen Christi hassen / denn sy achtens dafür / das solche leer ergerlich / vnd ye mey nē / der frid sey schendlich. Darumb muß mans mit fleiß bedenckē / obs vnrecht sey / vor gericht zū hadern od nit.

Hey mir ist ganz kein zweiffel / ein Christen mensch mög sich der gericht gebrauchen / gleich wie anderer crea turen Gottes / Doch das er die Regel Pauli hab .j. Co rin. vij. Wer der welt brauche / der mißbrauch jr nicht. Gleich wie ich wol darff kauffen vnd verkauffen / allein das ich niemant verfortheil. Also mag ich auch wol hade ren / allein das es on neid / Hass vnd vntreiw geschehe.

Vnd seind diser meiner meinung folgende gründ vñ vrsachen.

Paulus sage Rom. viij. das die oberkeit nit allein zū straff vnd forcht sey den bösen wercken / sunder auch zur eer den güten wercken / Darumb mögen ye die frumen der oberkeit hilff gebrauchen / Was ist aber vor gericht hadern anders / dann der oberkeit hilff anruffen? Ist es nun dē frumen ein schand / so sy der oberkeit hilff anruffen / so ist es ye gewißlich / das die oberkeit den frummen meer zur schand dan zū eeren fürderlich ist.

Vnd weil S. Paul jr den namen gibt / dz es soll ein

eer heißen/ ist's yegwiflich nichts böses/ auch kein solchs
ding/ das frum leüt nit brauchen dörfren.

So hat auch S. Paul Actu. xv. für den Keiser ap-
pelliert vnd sich berüffet / solch appellatio ist ein stuck
das zu den gericht's hendeln/ oder zu hadersachen gehö-
ret. Darumb mag man wol vor gericht hadern.

Ein Christ mag eigenthum besitzen/ derhalben mag
er auch wol vor dem gericht handelen/ dan eigenthum
kan on gericht nit erhalten werden/ sintremal gericht
gibt oder nimpt eigenthum.

Das man aber eigenthum besitzt vnd habenmög/
ist kunt vß vilen vnd mancherley sprüchen in der schrift
dan es darff ye einer wol reich sein/ wie S. Paul zeüget.
1. Tim. vi. da er sagt/ Den reichen von diser welt gebeüt
dz sy nit nach hohem ding trachten/ auch nit hoffen auff
den vngewissen reichthum/ sunder vff den lebendigē got
der vns dargibt reichlich allerley zu gniessen/ dz sy güts
thün/ reich werden von güten wercken gern geben/ leüt
selig sein/ schatz sammeln in selbs ein güten grund vffs zu
künfftig/ das sy ergreifen dz ewig leben. Vnd Christus
sagt nit/ Lu. xviii. das ein reicher nit mög in himel kum-
men/ sonder sagt nur allein/ das es schwerlich zu gebe.

Es ist offenbar/ dz König oder Fürsten mögen Chri-
sten sein/ nun müssen ye Fürsten reich sein/ wie das Euā-
gelion spricht Lu. xvii. Die weltlichen König herschen
vnd die gewaltigen heißet man genedige Herren/ das
ist/ vnser leib vnd güte ist jr.

S. Paul heißet die Corinthher. 1. Co. vi. dz sy in ein rich-
ter welen/ vnd sich vor dem selbigen irer hendel entschei-
den lassen sollen/ Darumb so ist ye solche gericht's hand-
lung dem Euangelio nit entgegen.

Christus verbeüt niendert das gericht zugebranchē.
Darumb thün die vnrecht/ so dem Euangelio außren

gedancken etwas zusetzen.

Moses verbeüt auch nit / vnd Christus ist on gesetz offenbart / darumb gleicherweiß wie es den Israheliten verbotten ist gewesen / sich irer gesetz zugebrauchen / also mögen wir der vnsern gesetz auch wol gebrauchen. Der Halben so es men ist erlaubet / einander vor dem gericht anzuklagen / also haben wirs auch recht vnd macht zuthun. Den Christus laßt wol geschehen / dz wir ordentliches rechten brauchen / wie solchs allenthalben by allē völkern sittlich vnd gewonlich ist / vnd werden solche recht Gottes ordnung genant. Rom. viij.

Weil den ein Christen mensch and Gottes ordnung wol brauchen mag als Lestands / speiß / trancks vñ der gleichen / so mag er sich auch freylich wol der gericht gebrauchen / welche gar nichts weniger ein Götliche ordnung seind / Rom. viij. den essen vnd trincken.

Aber dargegen pflegt man zühaltē den spruch Christi vß dem Euangelio Mat. v. So yemand mit dir rechten will vnd dein rock nemen / dem laß auch den mantel. Diesen spruch Christi will ich nit allein für ein rat / wie etliche gelert haben / sunder vil meer für ein streng ernstlich gebott halten. Den wa es für ein radt vnd nit für ein gebott solt gehalten werden / so wird darauß folgen dz die nit vnrecht therten / so sich außerthalb ordenlichs ampts vnd gericht selbs rechen.

Darumb kans vnd mag nit anders sein / denn diser spruch müß von not wegē / als für ein gebott gehalten vñ verstanden werdē. Vñ ist diß dises ganzē spruchs rechter natürlicher verstand. Es wirt da verbotten alle die rath / so on vñ außerthalb ordenlicher oberkeit wirt für genūmen / vnd soll ye niemand verstē / das dz Euangelio in dem es ein innerliche vñ hertzliche gerechtigkeit die vor gott gilt / lert dz weltlich Regiment vff heb vnd

weg nem. Solche rath/so on vnd ausserthalb ordenlich
er oberkeit befelhe geschicht/verbeit allhie Christus in
ditem spruch/als ob er sagē wolt/Du/als dem es vō or-
denlicher oberkeit/oder vō ampts wegē nit gebürt noch
befolhē ist/solt nit rath thun wen dir auch glich all dein
güter vnd hab genommen würdē/Der oberkeit aber wil
ichs nit verbotten haben. Ja wen dir auch die selb ober-
keit gewalt vnd vnrecht thut / soltu es dennoch leiden/
dan ich wil hiemit kein neüwes welt recht/wider die yetz-
ige regierende oberkeit auffrichten/wiewol die Apostel
meinten/Christus wird ein solch neüw weltlich regimēt
anfahen. Vnd eben darüb will er in mit diser red solchē
irrtum vß dem sin vnd hertzen nemen/wie er dan auch
an vil andern orten meer thut.

Vnd zwar/wen einer gleich hart daruff dringē wolt/
das diser spruch vff die gerichtshandel sol gesagt sein/
so muß daruß ebē also wol folgen/das auch nit der klä-
ger/sunder auch der beklagt/vor dē gericht / nit erschei-
nen dörfst. Es ist aber dennoch offenbar / dz der beklag-
ter diß fals nit vnrecht thut / dz er sich vor dem gericht
darstellt/sintemal er vff gebot der oberkeit alda gehors-
sam leist/welcher vns got gebürt ghorſā zū sein/Ro. viij.

Man helt der gerichtshandlungē auch disen spruch
entgegen/Matt. v. Sey wilfertig deinem widersacher
bald dieweil du noch bey im vff dem weg bist/vff dz dich
der widersacher nit der mal eins überantwort dem rich-
ter/vñ der richter überantwort dich dem diener/vñ wer
dest inden kerker geworffen/Ich sage dir warlich / du
wirst nit von danen her auß kumen/biß du auch den lets-
ten heller bezalest/Aber diser spruch sol verstandē wer-
den nach den worten Pauli/Ro. viij. da er saget/So vil
an eüch ist/so habt mit allen menschen frid. Wir aber
sollen niemand beleidigen/od ye vffs wenigste widerüb.

versünen vñ ab bittē/wen wir yemant beleidigt haben.

Wollen aber ander leüt ye nitt frid haben/ so ist niesz
mant verbottē/die Oberkeit vmb hilff anzüsüchen. Vñ
diser spruch Christilert/die da vnrecht haben/die sollen
sich widerumb mit den versönē/so sye mit vnrecht beleid
digt haben. Darüb thüt diser spruch nichts wider mich
dāñ ich sag nitt/das es Christlich sey/einen mit vnrecht
für gericht ziehen.

S. Paulus zum Corinthern. 1. Corin. vi. verbeit vor
heidnischē richtern zū hadern. Das geschicht aber vmb
ergernuß willē/nit das vor dem gericht hadern vnrecht
sey/den sunst so dörfft mā auch vor den richtern/welche
wir selbs wölen/das vnser nit rechtlich ansprechen.

Vnd am selbigē ort. 1. Cor. vi. sagt S. Paulus auch/
es sey schon ein sel/das vnder den Christen hadersachen
sind/aber darmit straffe er nicht den teil/der der sachen
recht/sunder ir vnrecht hat/dāñ sy können nimer mer
beide recht habē/sund es muß alweg der ein teil vnrecht
haben/darüb felet es nimer mer/es muß in hadersachē
etwas fels haben/vmb des vnrechtens parts willē.

Der spruch im Luca/Lu. vi. wirt diser meinung von
gerichts hendeln auch entgegen gehaltē/ So dir einer
das dein nimpt/vorder es nicht wider. Aber es mag ge
wislich diser spruch dahin nicht gezogen werdē/ als das
Christus hiemit leren wolt. das alle ding solten gemein
sein/oder das die solten sündigē/so da eigenthum besitz
en/oder ir vß gelibhen güt widerumb einmanē/Sunder
diser spruch soll von der rachs/die vßert halb ordenlichs
ampts vnd befelch der Oberkeit für gewendt wirt/ver
standen werdē/in massen/wie die andern wort/so im sel
bigen Capitel vor her geen.

Dāñ Paulus hat ein regel gegeben/wie man andern
geben sol/nemlich also fern/das nicht andere rügen/vñ

ir trübsal habt. ij. Cor. viij. Darüb ist es on not/ dz man den diebē ir stelen allenthalbē lasse güc sein/ sunder die liebe wirt wol richten werden/ wa sye klagē oder nit klagen soll.

Vnd ist diß mein meinung von diser sachen/ das es frey sey/ ein vor gericht hadern/ gleich als fry es ein ist dz er wein od ein andn träck/ d im dienstlich trinckē mag Die aber ein andere meinung haben/ vnd den Christen verbieten/ vor gericht zū klagen/ die duncken mich/ das sy nit genügsam versteen/ was Christliche freyheit vermüg/ noch wie Paulus leer von der Oberkeit/ Ro. viij. sol verstanden werden.

Aber man solt S. Paulus Regel alweg halten. j. Cor. vij. So man der welt braucht/ das man ir nit mißbrauche. Ich halt das vil/ so sye wisse wie ferz in erlaube zū richten/ ir recht auch glimpfflicher sūchē würdē/ dan sye meinen sye thün vnrecht wen sye hadern/ vnd faren doch für/ mit bösen gewissen/ dardurch sye gantz rauchlosß werden/ vnd scheüwen doch nit daran allen vorteil im gericht zū gebrauchen.

Wieweil aber wenig seind/ die dise regel vñ maß halten/ darüb ist oft mals am sicherstē/ das man gar nicht hadere/ vnd zūmal weil solch exempel schedlich ist den freuenlichen leüten/ welche destker leichtlicher zū hadern gereitzt werden/ wan sye sehen/ dz solchs/ die so man für frumb achtet/ auch thün/ können aber den selbigen nit recht nach folgen/ sunder seind vol neid vnd haß.

Von den Fürsprechē vnd Procuratoren ist kein zweifel/ sye mügē wol der leüt sach fürē/ wen auch gleich die partheyen vnrecht haben/ so ferz doch das sye d welt auch brauchen/ vñ nit mißbrauchē/ dan solche fürsprechē en vnd Advocaten seind der oberkeit diener. 26.

Gott sey lob.

Faint, illegible text, likely bleed-through from the reverse side of the page. The text is arranged in several paragraphs, with some lines appearing to be headings or section markers.

Handwritten mark or signature in blue ink, possibly the letters 'ne'.

Gelesen



Faint, illegible text visible on the left edge of the page, possibly bleed-through from the reverse side.

MC










Vg 3614

(x2706649)

M.C.







566 7.

Ob auch die Christen mit gutem
gewissen/vor gericht handeln/vnnd gericht
liche ordnungen brauchen mögen/
ein kurzer vnder
richt.

Philippus Melancton.

M. D. XCIX.

In Cat. sub P.

VEND.
EX BIBL.
REG. BEROL.
Biblioth. Regia
Berolinensi.

BIBLIOTHECA
PONICKAVIANA

